



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XCV. Markgraf Hermann überläßt dem Kloster Lehnin das Dorf Schmergow und den Hof Trebegotz, am 20. April 1305.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

noldi militis de Trebin pie recordacionis, nostre ecclesie ministerialis, qui terminos antedictos ecclesie Leninenfi uendiderat ad suam defensandam iusticiam in medium proferens nobis legendas tradidit et examinandas, modum infra scriptum continentes (No. XXXII). Has cum reperissemus integras, non cancellatas, non abollitas, immo sigillo vero et integro eiusdem Arnoldi de Trebin sigillatas, idem instrumentum cum sigillo vero supradicto Johanni militi de Trebin ad oculum demonstrauius presentibus et amicis suis idem attestantibus hoc verum sigillum existere Arnoldi de Trebin memorati. Ex hiis nimirum omnibus tam evidentibus indiciis nobis omnino videtur et assentimus, predictas distinctiones terminorum ecclesie Leninenfi, quemadmodum in instrumento prehabito Arnoldi de Trebin apertius expressum est, iuste et rite debere perpetuo pertinere. In cuius rei euidentiam presens scriptum nostri sigilli munimine fecimus roborari. Datum Louborch anno domini M^o. CCC^o. V^o. VI^o. idus aprilis.

Nach dem Original des Geh. Staats-Archives.

XCV. Markgraf Hermann überläßt dem Kloster Lehnin das Dorf Schmergow und den Hof Trebegow, am 20. April 1305.

In nomine sancte et indiuidue trinitatis Amen. Hermannus, Dei gracia Brandenburgensis et Lufatie marchio et dominus de Henneberch tutorque Slesie, omnibus Christianis in salutis auctore salutem. Humane memorie fragilitas utiliter scripture iuuatur testimonio, ne lapsu temporis et subita mutacione mortalium id quod nunc certum est fiat dubium, et quod rationabiliter gestum est, obliuionis nebula obscuretur. Hinc est quod constare uolumus omnibus tam presentibus quam futuris, quod dilectis in Cristo fratribus nostris de Lenyn uidelicet reuerendo patri domino Johanni abbati, dicto de Beliz, et conuentui ibidem iusta et libera bona nostra uidelicet villam Smergowe et curiam Trebegoz cum omnibus agris cultis et incultis, pratis, pascuis, lignis, siluis, rubis, nemoribus presentibus et futuris, aquis, piscacionibus, paludibus, molendinis tam in terris quam in aquarum decursibus positis et ponendis, iudiciis singulis et generaliter cum omnibus usufructibus et pertinentiis eorundem pro quingentis marcis minus viginti quinque Brandenburgensis argenti et ponderis vendidimus et dimisimus cum omni iure absque qualibet exactione et omni seruitio communi et priuato iusto proprietatis ac libertatis titulo perpetuo possidenda. Cupientes insuper prefate ecclesie Lenynensis futuris periculis precauere, terminorum distinctiones eorundem bonorum exprimere curauimus manifestius sub hac forma: Termini ville Smergow protenduntur a fossato versus Creyle vsque ad fossatum in vado, quod vocatur Vebene Vort, deinde usque in obolam: termini autem curie Trebegoz protenduntur usque in in obolam ubi versus Cothfin navigio pertransitur: termini uero aquarum ad eandem curiam pertinentium usque in obulam ueterem protenduntur, de hinc usque in aquas, que vocantur Trebowe, deinde usque in aquas, que Zachower water nominantur. Ceteri uero termini et ville Smergowe et curie Trebegoz, quoniam omnino predictae ecclesie Leninenfis possessionibus circumquaque continuari dinoscuntur, distinctionibus exprimere presentibus necessarium non uidetur. Reliqua uero istis adiacentia i. e. paludes et insule, arundineta, pascua quoque, que messioni aut sectioni non congruunt, tam ipsis quam aliis circumfidentibus ad quoslibet vsus necessarios, quemadmodum hactenus

fuerunt, communia remanebunt. Vt igitur hec conventionis emptio posteritati fiat cognita stabilisque perseveret, presens scriptum sigilli nostri appensione duximus muniendum virorum fidelium testimonium apponentes, quorum nomina sunt hec: Heinricus, Fredericus fratres dicti de Alvensleve, Lodewicus de Wantsleve, Zabellus de Doberun noster pincerna, Pezeko de Lofowe, Buffo Gruelhuth et Palmedach, Nicolaus de Carpzowe advocatus, nostri milites; Dominus Nicolaus plebanus in Smërgow et Dominus Sloteke, noster Notarius et alii plures fide digni. Actum et datum Spandow, Anno Incarnacionis Domini Milesimo trecentesimo quinto, XII cal. maji, Indictione tertia, Concurrente quarto, epacta vicesima tertia.

Nach dem Originale des Geh. Staats-Archives.

XCVI. Die Markgrafen Otto und Woldemar überlassen dem Kloster Lehnin zehn Hufen bei dem Dorfe Arendsee, im Jahre 1306.

In villa Arntfe X mansos contulit monasterio Lenyn Otto Marchio Brandenburgensis Anno 1306.

Altes Verz. Lehniner Urkunden. Gersten VII, 334.

Otto et Woldemarus marchiones contulerunt X mansos ad villam Arnese pro tribus talentis. Anno 1306.

Neueres Verz. Lehniner Urkunden.

XCVII. Bischof Friedrich von Brandenburg und sein Capitel vergleichen sich mit dem Kloster Lehnin über die Zehnthebung in Dalchow, Kolbitz und an andern Orten, im Jahre 1306.

De decimis villarum Dalchou, Coldiz, Brizeke et Leynbach Fredericus Episcopus Brandenburgensis, Johannes prepositus et capitulum eiusdem ecclesie Anno 1306, item jus patronatus villarum ejusdem.

Altes Verz. Lehniner Urk. — Gersten VII, 340.

XCVIII. Erzbischof Burchard von Magdeburg und sein Capitel vereinigen dem Kloster Lehnin die Sticmühle bei Grabow, im Jahre 1306.

De molendino Sticmolne, proprietatem confirmavit Burchardus Archiepiscopus Magdeburgensis ecclesie, Bernardus prepositus, Gotfridus decanus totumque capitulum ejusdem ecclesie Anno 1306.

Altes Verzeichniß Lehniner Urkunden. — Gersten VII, 332.